

Gvangjsih Minzczuz Bau

广西民族报 aenhauh okbanj: CN45-0036 B.2021 Nd.7 Ng.14 liggaueu sincouj nienz ndwenroek co'ngux

Baihguenjbanh:
Gvangjsih Bouxcuengh Swcigh
Minzczuz Cunghgyau Swvu
Veijyenzei
Biengauj okbanj:
Gvangjsih Minzczuz Bause
Geizsoq: Gungh daih 3482 geiz
Geiz neix 8 banj

Aen Lundanz “Gvangjsih Gyamaenh Gya’gvangq Gij Cingzcik Dieg Guhyiengh Minzczuz Doxgiet Cinbu Daengx Guek Cauhlaeb Dieg Guhyiengh Cukmaenh Gij Eiqsik Caezcaemh Cunghvaz Minzczuz” Youq Namzningz Banh

“广西巩固拓展全国民族团结进步示范区成果 创建铸牢中华民族共同体意识示范区”论坛在南宁举行

Mboengqneix, Aen Lundanz “Gvangjsih Gyamaenh Gya’gvangq Gij Cingzcik Dieg Guhyiengh Minzczuz Doxgiet Cinbu Daengx Guek Cauhlaeb Dieg Guhyiengh Cukmaenh Gij Eiqsik Caezcaemh Cunghvaz Minzczuz” youz Swcigh Dangveij Dungcanbu、Swcigh Minzczunghveij cawjbanh, Gvangjsih Minzczuz Dayoz ciepbanh haenx youq Namzningz Si banh.

“Gvangjsih dwg dieg guhyiengh minzczuz doxgiet cinbu daengx guek, yaek laebdaeb fatok gij cozyung guhyiengh daiqdoengh ndei bae.” Ndwen 6 ngoenz 25, Gvangjsih Bouxcuengh Swcigh Dangveij Aen-hoih Daengxcungq(Gya’gvangq) Gaiq Daih Cib’ it Baez Daihcib doenggvaq 《Gij Gietdingh Gvendaengz Gaijfang Swhsiengj Rapdawz Caenguh Comz Rengz Hwnjguh Aen Gvangjsih Gyaeunde Sevei Cuiji Miz Daegsaek

Cungguek Seizdaih Moq》, dinghmingz daezok aeu “gyamaenh haeujaeg hwnjguh dieg guhyiengh minzczuz doxgiet cinbu daengx guek, cauhaeb dieg guhyiengh cukmaenh gij eiqsik caezcaemh Cunghvaz Minzczuz”.

Baez lundanz neix muzdiz dwg cunggez ndei、yungh ndei、hwnghat ndei gij gingniemh ndei dieg guhyiengh minzczuz doxgiet cinbu daengx guek, gangj ndei gojgaeq, gyonj doxrox, guh ndei binjbaiz, gyalai yingyangj. Lingjdauj caeuq lauxhangz yozcej daeuj camgya haihoih haenx hopheux gij yihi hungnaek、gohyozei neihanz caeuq saedguh iugouz “Gvangjsih dwg dieg guhyiengh minzczuz doxgiet cinbu daengx guek”, gij gingniemh minzczuz doxgiet cinbu Gvangjsih daengj cawj-daez guh doxyaeng laegdaeuq, caemh-caiq vih diuzroen caeuq banhfap cauhaeb dieg guhyiengh cukmaenh gij

eiqsik caezcaemh Cunghvaz Minzczuz daezok yigen caeuq genyi.

Lauxhangz camgya haihoih nyinhnaeuz, dangguh aen swcigh guek raeuz gyauejvunz minzczuz vunnznoix ceiq lai, gij gingniemh ndei minzczuz doxgiet cinbu Gvangjsih, dwg “gingniemh Gvangjsih” hengzguh aen cidu gizdieg minzczuz gagguenj miz daegsaek Cungguek, doiq hong minzczuz daengx guek cungj miz camgauj gyaciz. Gvangjsih deihleix vanzging、gizdieg lizsij、lai aen minzczuz cauhaenz daengj daegdiemj, vih lwnhgangj cukmaenh gij eiqsik caezcaemh Cunghvaz Minzczuz gunghawj le lijln caeuq hengzguh giekdaej.

Lauxhangz camgya haihoih daezok, wnggai cunggez ndei gij gingniemh gihbwnj Gvangjsih dangguh dieg guhyiengh minzczuz doxgiet cinbu daengx guek, laebdaeb damqra diuz-

roen hab Gvangjsih saedsaeh hwnghat youh ndei youh vaiq, youq cukmaenh gij eiqsik caezcaemh Cunghvaz Minzczuz fuengmienh hamjok yamqdin moq, youq cienzmienh coicaenh caeuq haeujaeg gak minzczuz dox baedauq doxyau doxyungz fuengmienh aen-ndaej dwkbyoengq moq, youq damqra aen suenranz cingsaenz caezcaemh gak minzczuz caeuq laebdingh gij nyinhdoengz vwnzva Cunghvaz fuengmienh aeundaej dwkbyoengq moq, youq doidoengh doeksaed “cibseiq haj” gviveh caeuq hainduj banhfap moq aen moegbiu loqsiengj bak bi daihngaih fuengmienh hamjok yamqdin moq, doinyoengx hong minzczuz seizdaih moq hamjhwnj mbaeklae moq.

(Veiz Sang’ yungz Vangz Veij-yungj Veiz Yingjcinh)



Sanhgyangh: Mbanjdung Yezyej Baij Fungcingz

三江：侗寨月也展风情

Ndwen 7 ngoenz 8, Sanhgyangh Duncuz Swciyen Linzhieh Cin Cwngzyangz Cunh banh aen hozdung “yezyej” Cwngzyangz Bazcai cauhaeb guekgya 5A gaep lijyouz ginggih, vunnzlai dangdieg yungh Heiqdung、dohyeh、gobizbaz Duncuz、go foux minzczuz daengj hingzsis lai yiengh beksingq haengj dingq gyaez yawj haenx, comz rengz senhconz hong cauhaeb ginggih、ciubing daengj mizgven cwngcwz caeuq ciengzsis, haenqrengz langhbaij gij fungcingz lai yiengh Mbanjdung, bangdoi gak hangh hong guh ndaej rengzrdw.

(Gungh Bujangh)

Heiqcuengh 《Doxduenq Canghvuz》 Youq Namzningz Yienj

壮剧《苍梧之约》在邕上演

Ndwen 7 ngoenz 10 banhaemh, Comzyienj Yisuz Cozbinj Daizheiq Maenhndei Gvangjsih Angqhoh Cunghgoz Gungcanjdangj Laebbaenz 100 Hopbi “Ciengxlwenx Riengz Aendangj Byaij” Nem Gaiq Daih Cib’ it Comzyienj Heiq—Heiqcuengh 《Doxduenq Canghvuz》 youq Gvangjsih Vwnzva Yisuz Cunghsinh yienj.

《Doxduenq Canghvuz》 aeu gij ginglig haemzhoj aen dangcihhu daih’ it Gvangjsih—Vuzcough Cihbu

youq bi 1925 ndwen 10 laebbaenz gonqlaeng guh sucaiz, yungh mbanj gwzming senhleiz guh giek daeuj cauhaiz, langhbaij le gij funghfan sangndei gungcanjdangjyenz seizseiz vih aendangj caeuq beksingq vutvat sojmiz, gyoengqde yungh mingh caeuq hoenz hengzguh doxduenq, ginggvaq haemzhoj caeuq doxbiek、vutmingh caeuq fanjoet, ciuqgaeuq daengz dai mbouj bienq giensouj doxduenq, mbouj lumz goeknduj, doeklaeng mboujduenh hwnghat guhhung, hawj

mbaw geizdangj ndingfwdfwd youq dieg Canghvuz、dieg Bazgvei mbinfofo.

Gvangjsih miz gij swhyenz saekhoengz、swhyenz lizsij aendangj lai, giekdaej saekhoengz aeu daih daih doxcienz. 《Doxduenq Canghvuz》 cungfaen vatcimh doenghgij ndei neix, aeu heiq gezgou gyaqciq, funggek vaiqmenh ronghsien、yienjok ndei-yawj, caemhcaiq yaem’ wenq Heiqcuengh daegbied gagmiz caeuq gyauhyangjyoz、diuh danqhanh nem lai singbough habciengq daengj yisuz

hingzsis doxyungz ndeindi, langhbaij le gyoengqvunz gwzming miz ceiqheiq hoenghhdhwd ndeu, yienh’ ok le duenh lizsij saekhoengz hawj vunz gamjdoengh ndeu. Gyoengq bouxyawj cungj naeuz, Heiqcuengh 《Doxduenq Canghvuz》 mboujdan dwg ciengz heiq ndei yawj ndeu, lijdwg dangz ciendaez dangigo sengdoengh laegdaeuq ndeu, yungh swhyenz saekhoengz gangj ndei gojgaeq aendangj, doidoengh hag lizsij aendangj lix hwnjdaeuq、doengh hwnjdaeuq、hoengh hwnjdaeuq, hawj caezgya roxnyinh gij raeuj lizsij、dauqngaix haemzhoj, caenh’ itbough giendingh lijsiengj saenqniemh、comz rengz buekguh baenaj.

(Vangz Cunhnanz)